

SAMANTEKT Á EIGINLEIKUM LYFS

1. HEITI LYFS

Paracet 60 mg endaþarmsstílar
Paracet 125 mg endaþarmsstílar

2. INNIGHALDSLÝSING

Hver endaþarmsstíll inniheldur:
60 mg eða 125 mg af parasetamóli.

Sjá lista yfir öll hjálparefni í kafla 6.1.

3. LYFJAFORM

Endaþarmsstílar.
Hvítir, tundurskeytalaga endaþarmsstílar.

4. KLÍNÍSKAR UPPLÝSINGAR

4.1 Ábendingar

Paracet er ætlað til skammtímameðferðar við hita t.d. vegna kvefs og inflúensu, vægum til miðlungsalvarlegum verkjum, t.d. höfuðverk, tannverk, tíðaþrautum, vöðvaverkjum og liðverkjum. Undir eftirliti læknis til varnar gegn fylgivillum hás hita, langvarandi höfuðverkjum og vöðva- og liðvandamálum.

4.2 Skammtar og lyfjagjöf

Skammtar

Börn

Fyrir börn skal reikna út skammtinn miðað við þyngd barnsins.

Ungabörn (yngri en 1 mánaðar):

Gefið ca. 15 mg/kg líkamsþyngdar allt að 3 sinnum á sólarhring. Tími á milli skammta skal vera 8 klst. Hámarks sólarhringsskammtur er 60 mg/kg líkamsþyngdar.

Til einföldunar er ráðlögðum skömmum skipt í þyngdarflokkum:

3-6 kg (yngri en 1 mánaðar): 1 x 60 mg endaþarmsstíll allt að 3 sinnum á sólarhring.

Börn (eldri en 1 mánaðar):

Gefið ca. 15 mg/kg líkamsþyngdar allt að 4 sinnum á sólarhring. Tími á milli skammta skal vera 4-6 klst. Hámarks sólarhringsskammtur er 75 mg/kg líkamsþyngdar.

Til einföldunar er ráðlögðum skömmum skipt í þyngdarflokkum eftir áætluðum aldri:

4-6 kg (1-5 mánaða): 1 x 60 mg endaþarmsstíll allt að 4 sinnum á sólarhring.

7-12 kg (5 mánaða-2 ára): 1 x 125 mg endaþarmsstíll allt að 4 sinnum á sólarhring.

Frásog parasetamóls sem gefið er um endaþarm tekur lengri tíma en þegar það er gefið til inntöku.

Nota skal minnsta virka skammt í eins stuttan tíma og mögulegt er til að ná stjórн á einkennum

Lyfjagjöf

Notist í endaþarm.

4.3 Frábendingar

- Ofnæmi fyrir parasetamóli eða einhverju hjálparefnanna sem talin eru upp í kafla 6.1.
- Alvarleg lifrabilun.

4.4 Sérstök varnaðarorð og varúðarreglur við notkun

Ef neysla kolveta og hágæða próteina er skert eru öryggismörk fyrir eiturverkanir á lifur lægri en ef næringarástand er eðlilegt. Viðvarandi notkun eða notkun hámarksskammta, einkum hjá sjúklingum sem eru vannærðir vegna áfengismisnotkunar, lystarleysis eða ófullnægjandi næringar, felur í sér aukna hættu á aukaverkunum á lifur.

Hitalækkandi meðferð hjá börnum skal af sömu ástæðu helst vera skammvinn.

Ekki er hægt að útiloka hættu á nýrnaskemmdum við langvarandi meðferð. Gæta skal varúðar við lifrar- og nýrnaskemmdir.

Ráðlegt er að gæta varúðar þegar parasetamól er gefið samhliða flucloxacillíni vegna aukinnar hættu á blóðsýringu með miklum anjónamun (high anion gap metabolic acidosis (HAGMA)), einkum hjá sjúklingum með verulega skerta nýrnastarfsemi, sýklasótt, vannæringu og aðrar orsakir glutathionskorts (t.d. langvinn drykkjusýki), svo og hjá þeim sem nota hámarksdagskammta af parasetamóli. Mælt er með nánu eftirliti, þ.m.t. mælingu á 5-oxoprólíni í þvagi.

Höfuðverkur

Við langvarandi meðferð (> 3 mánuði) með verkjalyfjum, með notkun annan hvern dag eða oftar, getur komið fram höfuðverkur, eða hann versnað. Höfuðverk af völdum ofnotkunar verkjalyfja skal ekki meðhöndla með því að hækka skammtinn. Í slíkum tilvikum skal hætta notkun verkjalyfja í samráði við lækni.

4.5 Milliverkanir við önnur lyf og aðrar milliverkanir

Skammtaaðlögun getur verið nauðsynleg við samhliða notkun Paracet og eftirfarandi lyfja (sjá frekari upplýsingar hér að neðan):

- warfarín og aðrar kúmarín afleiður
- sum flogaveikilyf (fenýtóín, phenobarbital, karbamazepín)
- rífampicín
- Jóhannesarjurt (*Hypericum perforatum*)
- próbenecíð
- lixisenatid (sykursýkislyf)

Lyfhrif-milliverkanir

Regluleg og langvarandi notkun dagsskammta yfir 1,5 - 2 g af parasetamóli getur aukið segavarnandi áhrif hjá sjúklingum sem taka warfarín og aðrar kúmarín afleiður. Skammtaaðlögun getur verið nauðsynleg við samhliða notkun parasetamóls og þessara segavarnarlyfja.

Lyfjahvörf-milliverkanir

Ensímorvandi lyf, þ.m.t. *karbamazepín*, *fenýtóín*, *phenobarbital* og *Jóhannesarjurt* (*Hypericum perforatum*) geta aukið eiturverkanir parasetamóls á lifur. Hydantoin afleiður, barbitúrot og afleiður þeirra og karbamazepín geta aukið umbrot parasetamóls. Þetta leiðir til lækkunar á þéttni parasetamóls (40%) og aukinnar myndunar umbrotsefna með eiturverkanir á lifur. Skammtaaðlögun parasetamóls er ekki nauðsynleg þar sem það getur valdið aukinni hættu á eiturverkunum á lifur.

Ísóníazíð, *rífampicín* og önnur lyf gegn berklum geta haft áhrif á lyfjahvörf parasetamóls með hugsanlegri aukningu á eiturverkunum á lifur. Skammtur parasetamóls ætti ekki að fara yfir 3 g á sólarhring.

Próbenecíð skerðir úthreinsun parasetamóls um næstum helming, með því að hindra samtengingu við glükúrónsýru. Því ætti líklega að helminga skammtinn af parasetamóli þegar það er gefið samhliða próbenecíði.

Þegar parasetamól er tekið 1-4 klst. eftir gjöf lixisenatids veldur það seinkun á frásogi parasetamóls. Sjúklingum skal því gert grein fyrir því að það mun taka lengri tíma en venjulega (allt að 2 klst.) áður en verkun parasetamóls hefst þegar það er tekið á fyrstu klukkustundunum eftir gjöf lixisenatids.

Resín á borð við kólestýramín, kólestípól og kólesevelam draga úr frásogi parasetamóls í meltingarvegi. Að öllu jöfnu skal taka parasetamól a.m.k. einni klst áður eða a.m.k. fjórum klst. eftir að resín er tekið. Ef bráð þörf er á parasetamóli má taka lyfið jafnvel þótt resín hafi verið tekið innan við fjórum klukkustundum áður, en þá þarf að hafa í huga að virkni parasetamóls gæti verið minni.

Etanól (langtímanotkun) örvar CYP1A2 virkni. Þetta leiðir til aukinnar framleiðslu á NAPQI sem er umbrotsefni parasetamóls og veldur eiturverkunum á lifur. Það er því aukin hættu á eiturverkunum á lifur við mikla etanolneyslu. Neysla á lithu til meðalmiklu magni etanóls stöku sinnum eykur hins vegar ekki magn N-asetýl-p-bensókínónímíns í lifur í hættulegum mæli.

Gæta skal varúðar þegar parasetamól er notað samhliða flucloxacillíni, vegna þess að samhliðanotkun hefur verið tengd aukinni hættu á blóðsýringu með miklum anjónamun, einkum hjá sjúklingum með áhættuþætti (sjá kafla 4.4).

4.6 Frjósemi, meðganga og brjósttagjöf

Meðganga

Mikið magn af gögnum um þungaðar konur gefa hvorki til kynna hættu á vansköpun né eituráhrif á fóstur/nýbura. Faraldsfræðilegar rannsóknir á taugaþroska hjá börnum sem útsett hafa verið fyrir parasetamóli á meðgöngu sýna ófullnægjandi niðurstöður.

Parasetamól má nota á meðgöngu ef talin er klínísk þörf á því, hins vegar skal nota minnsta virka skammt í eins stuttan tíma og eins sjaldan og hægt er.

Brjósttagjöf

Parasetamól berst yfir í brjóstamjólk og hlutfall á milli þéttni í mjólk og plasma er 1. Áætlað er að barnið fái < 2% af skammti móðurinnar. Ólíklegt er að brjóstmylkingur verði fyrir áhrifum.

4.7 Áhrif á hæfni til aksturs og notkunar véla

Paracet hefur engin eða óveruleg áhrif á hæfni til aksturs og notkunar véla.

4.8 Aukaverkanir

Listinn hér fyrir neðan flokkar aukaverkanir eftir tíðniflokkunum:

Mjög algengar ($\geq 1/10$)

Algengar ($\geq 1/100$ til $< 1/10$)

Sjaldgæfar ($\geq 1/1.000$ til $< 1/100$)

Mjög sjaldgæfar ($\geq 1/10.000$ til $<1/1.000$)

Koma örsjaldan fyrir ($<1/10.000$)

Tíðni ekki þekkt (ekki hægt að áetla tíðni út frá fyrirliggjandi gögnum)

Blóð og eitlar	
Mjög sjaldgæfar:	Blóðflagnafæð, hvítfrumnafæð og rauðalosblóðleysi
Ónæmiskerfi	
Mjög sjaldgæfar:	Ofurnæmi/ofnæmi fyrir lyfinu
Koma örsjaldan fyrir:	Bráðaofnæmi, ofnæmisviðbrögð í húð t.d. kláði, ofnæmisbjúgur, Stevens-Johnson heilkenni, eitrunardrep í húðþekju.
Öndunarfæri, brjósthol og miðmæti	
Koma örsjaldan fyrir:	Berkjukrampi hjá sjúklingum sem eru viðkvæmir fyrir asetylsalicylsýru eða öðrum bólgeyðandi gigtarlyfjum
Lifur og gall	
Mjög sjaldgæfar:	Truflun á lifrarstarfsemi
Húð og undirhúð	
Mjög sjaldgæfar:	Ofnæmisviðbrögð í húð, útbrot

Örsjaldan hefur verið greint frá alvarlegum húðviðbrögðum.

Truflun á lifrarstarfsemi hefur komið fram við notkun parasetamóls samhliða. áfengismisnotkun.

Tilkynning aukaverkana sem grunur er um að tengist lyfinu

Eftir að lyf hefur fengið markaðsleyfi er mikilvægt að tilkynna aukaverkanir sem grunur er um að tengist því. Pannig er hægt að fylgjast stöðugt með sambandinu milli ávinnings og áhættu af notkun lyfsins. Heilbrigðisstarfsmenn eru hvattir til að tilkynna allar aukaverkanir sem grunur er um að tengist lyfinu til Lyfjastofnunar, www.lyfjastofnun.is.

4.9 Ofskömmtn

Einkenni

Veruleg bráð ofskömmtn parasetamóls getur valdið lifrarskemmdum. Einkenni ofskömmtnunar fyrsta sólarhringinn eru fá. Lystarleysi, ógleði og uppköst geta komið fram. Innan 1,5 sólarhrings byrja einkenni lifrarskemmda yfirleitt að koma fram sem verkir ofarlega í kvið, hækkan ALAT/ASAT, INR og bilirúbíns. Eiturverkanir á lifur ná yfirleitt hámarki innan 3-4 sólarhringa: lifrardá, truflanir á blóðstorknun og blóðsykurslækkun. Bráð nýrnabilun getur komið fram.

Eiturhrif

Stærsti áhættuþátturinn er ofskömmtn yfir lengra tímabil (t.d. nokkra daga í röð). Endurtekin ofskömmtn dregur úr þoli þar sem magn glútatiðs (í virku, skertu formi) getur verið lægra en eðlilegt er. Því skal ávallt ganga úr skugga um það hvort ofskömmtn sé af völdum staks skammts eða endurtekinna skammta. Meðferðarnotkun parasetamóls dagana fyrir ofskömmtn þarf einnig að hafa í huga og ætti að telja með þegar eitrunarskammtur er reiknaður. Öll útsetning sem er umfram eitrunarskammtinn krefst meðferðar á sjúkrahúsi.

Eitrunarskammtur hjá fullorðnum og börnum >3 mánaða: 100-170 mg/kg á sólarhring, fer þá eftir aldri og lengd tímabilsins sem ofskömmtnin varð á.

Börn <3 mánaða: Ávallt skal hafa samband við Eitrunarmiðstöð (sími 543 2222) ef grunur leikur á ofskömmtnun. Fyrirburar og ungbörn yngri en 3 mánaða eru talin í aukinni hættu á að verða fyrir eitrunarskammtum..

Meðferð

Íhugið magatæmingu og notkun lyfjakola. N-acetyl cysteine skal gefa eins fljótt og unnt er eftir að talið er að skammtur yfir þeim mörkum sem veldur eiturverkunum hafi verið tekinn inn, en meðferðina má hefja hvenær sem er á eiturverkunartímabilinu, einnig eftir að sjúklingurinn er kominn í lifrardá. Lifrarígræðsla getur verið nauðsynleg. Hafið samband við Eitrunarmiðstöð eftir þörfum.

5. LYFJAFRÆÐILEGAR UPPLÝSINGAR

5.1 Lyfhrif

Flokkun eftir verkun: Önnur verkjalyf og hitalækkandi lyf, ATC flokkur: N02BE01.

Lyfhrif

Parasetamól hefur miðlæg og útlæg verkjastillandi áhrif. Parasetamól hefur hitalækkandi áhrif í gegnum hitastjórnstöð í undirstúku. Parasetamól hefur ekki áhrif á blóðstorknun og ertir ekki slímhimnur í meltingarvegi. Parasetamól nýtir glútatíón sem verndar gegn skaðlegum áhrifum hvarfgjarns umbrotsefnis parasetamóls. Lágt glútatíóninnihald í útsettum vefjum eykur hættu á líffæraskemmdum.

5.2 Lyfjahvörf

Frásog

Parasetamól frásogast næstum að fullu við gjöf í endaþarm. Frásogshraðinn er aðeins minni en við inntöku. Lækningaleg þéttni í sermi næst eftir u.p.b. 1-1½ klst.

Dreifing

Parasetamól dreifst hratt og berst til flestra vefja.

Dreifingarrúmmálið er u.p.b. 1 lítri/kg.

Próteinbinding er talin óveruleg.

Umbrot

Umbrot parasetamóls eru aðallega myndun glükúróníða og tenging við súlfathóp í lifur. Minni hluti umbrotnar fyrir tilstilli oxýdasa sem er háður cýtókrómi p-450 í mjög hvarfgjarnt umbrotsefni. Þetta umbrotsefni óvirkjast hratt með samtengingu við afoxað glútatíón og er skilið út í þvagi sem acetýlcystein- og merkaptúrsýrusamtengi.

Brotthvarf

Helmingunartími parasetamóls er 2-3 klst. Helmingunartíminn getur lengst við skammta sem geta valdið eiturverkunum eða hjá sjúklingum með lifrarskemmdir.

Parasetamól er skilið út um nýru, aðallega sem glükúróníð ásamt litlu magni af súlfötum og merkaptati og óbreyttu lyfinu. Um 85% af parasetamólskammti finnst í þvagi sem parasetamól, í fríu formi og samtengt, innan 24 klst. eftir inntöku.

Sjúklingar

Parasetamól í þéttinni 5-20 mikróg/ml í sermi hefur verkjastillandi og hitalækkandi áhrif. Venjulegur skammtur af parasetamóli hefur áhrif í 4-6 klst.

5.3 Forklínískar upplýsingar

Ekki eru til staðar hefðbundnar rannsóknir þar sem notaðir eru nágildandi viðurkenndir staðlar við mat á eiturverkunum á æxlun og þroska.

Bæði óbreytt parasetamól og virk umbrotsefni geta bundist DNA og valdið DNA skemmdum.

Rannsóknir á frumulínum í ræktun, í tilraunadýrum og í einangruðum mannaeitilfrumum hafa sýnt að parasetamól getur valdið auknum litningaskemmdum. Rannsóknir á eitilfrumum frá heilbrigðum sjálfbóðaliðum eftir inntöku ráðlagðra skammta hafa gefið misvísandi niðurstöður. Hönnun rannsóknanna er þannig að enn er ekki hægt að draga af þeim áreiðanlegar ályktanir. Faraldsfræðilegar

rannsóknir hafa rannsakað sambandið á milli parasetamólnotkunar og þróun krabbameins. Í dag liggja ekki fyrir neinar öruggar vísbendingar um að parasetamól sé krabbameinsvaldandi hjá mönnum.

6. LYFJAGERÐARFRÆÐILEGAR UPPLÝSINGAR

6.1 Hjálparefni

Hörð fita.

6.2 Ósamrýmanleiki

Á ekki við.

6.3 Geymsluþol

5 ár.

6.4 Sérstakar varúðarreglur við geymslu

Geymið við lægri hita en 25°C.

6.5 Gerð íláts og innihald

Paracet endaþarmsstílar eru pakkaðir í tundurskeytalaga plastmót.

Pakkningastærðir

60 mg endaþarmsstílar: 10 endaþarmsstílar

125 mg endaþarmsstílar: 10 endaþarmsstílar

6.6 Sérstakar varúðarráðstafanir við förgun og önnur meðhöndlun

Engin sérstök fyrirmæli um förgun.

Farga skal öllum lyfjaleifum eða úrgangi í samræmi við gildandi reglur.

7. MARKAÐSLEYFISHAFI

Karo Pharma AS

Østensjøveien 27

Pósthólf 6733, Etterstad

0609 Oslo

Noregur

8. MARKAÐSLEYFISNÚMER

Paracet endaþarmsstílar 60 mg: IS/1/11/038/01

Paracet endaþarmsstílar 125 mg: IS/1/18/129/01

**9. DAGSETNING FYRSTU ÚTGÁFU MARKAÐSLEYFIS/ENDURNÝJUNAR
MARKAÐSLEYFIS**

Dagsetning fyrstu útgáfu markaðsleyfis:
60 mg: 19. maí 2011.
125 mg: 27. desember 2018.

10. DAGSETNING ENDURSKOÐUNAR TEXTANS

16. ágúst 2023.